

Litholoana tsa Ho Khutlisa Boshome



SABATHA MANTSIBOEA

Bakeng sa Thuto ea Beke ena Bala:

Mareka 16:15; 1 Petro. 3:8, 9; 1 Bakor. 9:14; Baro. 3:19–24.

Temana ea Khopolo:

“Na ha le tsebe hobane ba sebetsang tse halalelang ba jela ho tsa tempele? Le ba sebetsang aletareng ha ba jele aletareng na? ke ka mokhooa oo Morena A laetseng hore ba bolelang evangeli ba phele ka evangeli” (1 Bakorinthe 9:13, 14.).

Joalokaha re bone bekeng e fetileng, boshome ke karolo ea bohlokoa ea ho bonahatsa tumelo. Ke tsela e 'ngoe ea ho leka kapa ho pakahatsa bonnete ba seo re reng re sona. “Itekoleng le lona, le tle le bone ha le le tumelong; itekeng e le lona, na ha le itemohele hore Krete o ka ho lona, ha e se hoba mohlomong le le ba senang ho amoheloa” (2 Bakor. 13:5).

Moo ho qalang ho buuo a ka boshome ka Bibeleng ke ha Aborahama a fana ka boshome ho Melkisedeke (Genese 14:18–20, Baheb. 7:4). Balevi le bona ba ne ba nka boshome bakeng sa bosebeletsi ba bona tempeleng (2 Likro. 31:4–10). Kajeno boshome bo bakeng sa ho tšehetsa evangeli. Ha bo utloisisoa hantle, bo sebetsa e le sekala sa semoea sa likamano tsa rona le Molimo. Khahlamelo, tšebeliso, bohlokoa le mokhoa oa ho aba boshome li retetsoe kholo ea rona ea semoea ha re tšehetsa mosebetsi oa Molimo le ho fana ka motheo oa ho hasa evangeli. Hona ke leano la Molimo le bitsitsoe khato ea pele eo qhoku e tšepahalang ee nkang.

Bekeng ena re tla tsoela pele ho sheba boshome: ho bo aba, seo bo se bolelang ho ba bang, le khahlamelo eo bo nang le eona maphelong a rona a semoea.

**Ithute Thuto ea beke ena ho lokisetsa Sabbatha sa la 24 Hlakola.*

'Moho re Tšehetsa Thomo

Jesu o re laela ho “hasa evangeli” (Mareka 16:15) le ho “etsa barutuo,” “ho ba ruta ho boloka tsohle” (Mattheu 28:19, 20). Ka hona, Molimo O batla hore re nke karolo mosebetsing o bohlokoa-hlokoa lefatšeng: ho tlisa batho ho Jesu. Ho tšehetsa thomo ka tseo Molimo A re hlohonolofatsang ka tsona ke boikarabello ba qhoku. Ho nka karolo ho tebisa boikitlaetso ba motho ka mong ho joetseng ba bang ka Kreste. Morutuo e mong le e mong, qhoku, le mosebeletsi, o tlameha ho tlisa boshome bohle bakeng sa mosebetsi ona o halalelang. Re tlameha ho rapella bonngoe ba ho tšepahalla ho faneng bakeng sa thomo, hantle joalokaha thomo e atlehileng e matlafatsa bonngoe ba rona ba tumelo.

Leano la lichelete leo Molimo o le chaelltseng monoana bakeng sa ho phetha thomo ee ke lefe? “Boshome bohle” bo bolelang? (Mal. 3:10). Poleloana “hore lijo li be teng tlung ea ka” e bolelang? (Mal. 3:10).

Joalokaha re bone, esale batho ba khutlisa boshome ho tloha mehleng ea Aborahama le Jakobo (Genese 14:20, 28:22) mohlomong le pele ho moo. Boshome ke karolo ea leano la ho tšehetsa kereke ea Molimo. Ke mohloli o moholo-holo oa lichelete o bileng o nang le ponahaletso bakeng sa ho phetha thomo ea Hae.

Meetlong ea mehleng ena, bongata ba Bakreste ba fana hanyenyane thomong ea Molimo. Haeba Mokreste e mong le e mong a ne a ka fana ka boshome ka botšepahi, litholoana li ke se “lekanngooe, e kaba ntho’e tšosang, e kekeng ea utloisisoa.”—Christian Smith and Michael O. Emerson, *Passing the Plate* (New York: Oxford University Press, 2008), leq. 27.

Esale Molimo a e na le batho ba ikemiselitseng ho tšehetsa thomo ea hae mengoaheng eohle. Kaofela ha rona re na le boikarabello ba ho utloisisa le ho sebetsa ’moho ho tšehetsa mosebetsi ona oa ka lefatše lohle. Re ke se khone ho se hlophisehe, ho ba bohlasoa, re hasanya fela mabapi le ho tšehetsa thomo. Qholotso ea rona e kholo ho feta ha batho ba ne ba re ho Nehemia, “Re keke ra furalla ntlo ea Molimo oa rona” (Neh. 10:39), ’me e tšosang ho feta seo balumeli ba neng ba tobane le sona lemon tsa bo 1800. Kajeno litho le baruti ba tlameha ho kopana semoeng ’me ba hule ’moho licheleteng ka tsela e fihlelang sepheo sa ka lefatše lohle le ho tšehetsa thomo.

Nahana kamoo thomo ea Baleti e pharaletseng kateng lefatšeng (sheba Tsen. 14:6, 7). Motho ka mong o lokela ho utloisisa boikarabello ba hau joang malebana le ho thusa ho tšehetsa mosebetsi oo?

Tlhohonolofatso ea Molimo

Joalokaha re bone ho Malakia 3:10, Molimo O tšepesitse tlhohonolofatso e kholo ho ba tšepahalang boshomeng. Empa tlhohonolofatso ea Molimo ha e hlakoreng le le leng fela. Ho thatiseletsa, mohlala, ho ba le thepa e le tlhohonolofatso, ho sa natsoe eng kapa eng, ke kutloisiso e fokolang ea seo tlhohonolofatso ea Molimo eleng eona. Tlhohonolofatso ho Malakia ke ea semoea le nakoana. Moelelo oa tlhohonolofatso ea Molimo e pakahatsoa ka pholoso, thabo, ho ba le khotso moeeng, 'me Molimo A lutse a etsa se setle molemong oa rona. Hape, ha re hlhohonolofatsoa ke Molimo, re na le boikarabello ba ho arolelana litlhohonolofatso tseo le ba sa hlhohonolofalang joaloka rona. Re hlhohonolofalelitsoe ho ba tlhohonolofatso ho ba sa hlhohonolofalang joaloka rona. Ehlile, ka rona, Molimo O khona ho nanabetsa tlhohonolofatso tsa hae nqengoe.

Bala 1 Petrose 3:8,9. Petrose o reng ho rona ka likamano pakeng tsa ho hlhohonolofatsoa le ho ba tlhohonolofatso ho ba bang?

Tlhohonolofatso tse menahaneng li'a latela haho khutlisoa boshome. Re hlhohonolofalitsoe, 'me re tlhohonolofatso ho ba bang. Re ka fana ho tsoa melikong ea seo re se filoeng. Litlhohonolofatso tsa Molimo ho rona li fihlela kahare ho ba bang kantle. “‘Fanang 'me le tla fuoa. . . . Hobane tekanyo eo le lekanyang ka eona, le tla lekanngoa ka eona le lona”” (Luka 6:38).

Bala Liketso 20:35. See se ka boela sa sebetsa boshomeng joang?

Tlhohonolofatso e kholo-eo boshome bo re rutang eona ke ho tšepa Molimo (Jer. 17:7). “Leano le ikhethang la boshome le thomiloe holim'a tšiea ea kamehla joaloka molao oa Molimo. Leano lena boshome e n'e le tlhohonolofatso ho Bajude, ho seng joalo Molimo A ka be a sa ba fa eona. Ka hona, e tla ba tlhohonolofatso ho ba tla e etsa ho fihlela qetellong ea nako. Ntat'a rona ea maholimong h'a ka a qapa leano la ho iketsetsa letlole la ho ithuisa, empa ho ba tlhohonolofatso ho motho. O ile a bona leano le nang le molemo ke sona seo Molimo A se hlokang.”—Ellen G. White, *Testimonies for the Church*, vol. 3, leq. 404, 405.

Nahana ka nako tseo u hlhohonolofalitsoeng ke Molimo ka bosebeletsi ba motho e mong ho uena. Ke joang le oena u ka tsoang ho ea etsa joalo ho ba bang?

Sepheo sa Boshome

Paulosi o ngolla Timothea: “‘U se ke oa thiba molomo oa khomo ha e pola,’ hape ‘ea sebetsang o tšoaneloa ke moputso oa hae’” (1 Timo. 5:18). O qotsa Moshe ho Deutronoma 25:4 malebana le khomo le Jesu ho Luka 10:7 mabapi le ea sebetsang. Poleloana malebana le pholo ho bonahala e ne e le maele, ’me a bolela hore ho nepahetse ho tlohela pholo ho ja ha poone ha e sebetsa. Maele a bobeli ona a bolela hore basebetsi ba sehlahlo ba rerang evangeli ba lokela ho fuoa moputso. Molimo O etsa le ho sebetsa ka maano. O entse leano la hore maholimo le lefatše li potolohe letsatsi, la hore liphoofole tse ling e be lijo tsa tse ling, la tšilo ea lijo, la hore boko bo laole litho tsohle, le a mang a mangata. Leano la boshome le ne le sebelisoa ke Balevi (Numere. 18:26) ho hlokomela taberanekele ea bona le molemong oa bona. Ho tšoanang le hona mehleng ena e kaba batho ba nehelanang ka maphelo a bona ho ruta evangeli. Leano la Molimo la ho ntša boshome ke mokhoa oa a o khethileng bakeng sa ho tšehetsa evangeli, ’me esale le sebelisoa nakong eohle nalaneng ea pholoso. Kaho tšehetsa basebetsi ba joalo ka boshome, ka hona, ho bohlokoa-hlokoa ebile ke motheo oa mosebetsi oa Molimo.

Paulosi o bolelang, ’me se bolelang ke poleloana se bolelang “ba boleng evangeli ba phele ka evangeli” (1 Bakor. 9:14)? Ke sefe seo 2 Bakorinthe 11:7–10 e se rutang malena le tlhokeho ea ho tšehetsa ba hasang evangeli?

Ha Paulosi a re, “ke hlobolisitse likereke tse ling, ka nka moputso ho tsona ke tle ke sebeletse lona” (2 Bakor. 11:8), o ne a sa bolele seo a se buoang, o ne a buoa ka ho fumana moputso kerekeng e futsanehileng ea Macedonia h’a ntse a sebeletsa kereke e ruileng ea Korinthe. Taba ea hae ho kereke ea Korinthe e n’e le hore ba rutang evangeli ba tlameha ho lefsha. Boshome bo lokela ho sebelisetsoa sepheo se ikhethang fela. “Boshome bo beheletsoe kathoko bakeng sa mosebetsi o khethehileng. Ha bo’ a lokela ho nkoa e le koleke ea bofutsana. Bo lokela hore bo abeloe ho tšehetsa ba isang molaetsa oa Molimo lefatšeng; ’me ha b’oa lokela ho khelosoa sepheong sena.”—Ellen G. White, *Counsels on Stewardship*, leq. 103.

Bala Levitike 27:30. Ke ka tsela life motheo o bolelang moo o ka sebetsang le ho rona kajeno?

Ntlo ea Polokelo

Molimo o na le polokelo ea moea (Jer. 10:13), metsi (Lipes. 33:7), le lehloa le sefako (Jobo 38:22), holima tsohle tseo A nang le taolo e feletseng. Empa polokelo ea Molimo ea bohlokoa-hlokoa ke ea boshome. “Ke nea bara ba Levi boshome ba tsohle tsa Iseraele, e be lefa la bona, bakeng sa tšebetso ea bona, tšebetso ea tente ea pokano” (Num. 18:21). Temaneng ena, re bona khetlo la pele ho boleloa moo boshome bo bolokoang teng 'me kajeno ho tsejoa e le “ntlo ea polokelo.” Molimo O boetse a laela Baiseraele ho tlisa boshome sebakeng se khethiloeng ke Eena (Deutr. 12:5, 6). Nakong ea Salemone, boshome bo ne bo khutlisetsoa tempeleng e Jerusalema. Baiseraele ba ne ba utloisisa habonolo hore na “ntlo ea polokelo” keng e hokae ha Moporofeta Malakia a re ho bona: “Tlisang boshome bohle tlung ea polokelo” (Mal. 3:10). Ntlo ea polokelo e n’e emetse sebaka seo litšebetso tsa bolumeli li etsetsoang teng le moo Balevi ba neng ba thusoa teng.

A mang a mabitso a sebelisoang mangolong haho buuo a ntlo ea polokelo ke afe? 1 Likro. 26:20, 2 Likro. 31:11–13, Neh. 10:38.

Ho tlisa boshome bo halalelang tlung ea polokelo ke ona mohlala o fanoeng Mangolong. Hohle moo ho fanoang ka taolo, Molimo esale A e-na le ntlo e kholo ho laola boshome bohle. Baleti ba Bolokang Letsatsi la Bosupa ba etsa karolo ea kereke e ka lefatše lohle moo motheo oa ntlo ea polokelo o amoheloang le ho etsoa. Litho li khothaletsoa ho khutlisetsa boshome ntlokholo ea kereke ea bona ea lehae moo eleng litho. ntlokholong eo, ke moo baruti ba fumanang meropotso ea bona.

“Ha mosebetsi oa Molimo o hola, likopo tsa thuso li tlatla khafetsa. Hore likopo tsena li arabeloe, Bakreste ba lokela ho mamela taolo, ‘tlisang boshome bohle tlung ea polokelo, lijo li be teng tlung ea ka.’ Malakia 3:10. Haeba ba ipolelang e le Bakreste ba ka tlisa boshome le likabelo ka botšepahi, meliko ea Hae e ka tla. Ka hona ho ke sebe le sebaka sa ho ea metšellanong, ho papala loto, kapa mekete ea boinyakalatso ho bokella lichelete tsa ho tšehetsa evangeli.”—Ellen G. White, *The Acts of the Apostles*, leq. 338.

Nahana ka se ka etsahalang haeba batho ba ka romela boshome hohle moo ba batlang. Haeba e mong le e mong o n’a etsa joalo, ho ne ho ka etsahalang ka mosebetsi oa Molimo? ka hona, ke hobaneng ho le bohlokoa ho isa boshome ba rona moo ho lokelang?

Boshome le ho Pholoso a ka Tumelo

Bala Baroma 3:19–24. Ke 'nete efe ea bohlokoa, eo e leng khubu ea tumelo ea rona, e rutoang moo? Ke hobaneng re tlameha ho lula re nka thuto ee e le motheo oa tseo re li lumelang?

Mmoko oa molaetsa oa Bibelee ke hore kaofela ha rea tšoaneloa ke topollo (Baro. 3:23). Haeba e re tšoanetse, e tlabatse ka matla a rona, kapa mesebetsi, 'me taba ena e hanana le Mangolo.

Bala Baroma 4:1–5. Ke sefe seo litemana tsee li se rutang ka mohau khahlanong le mesebetsi?

Ka hona, pholoho ke mpho, (Baef. 2:8, 9) e fuoang ea sa lokelang. Pholoho e tla hobane mesebetsi ea sehlabelo se phethahetseng sa Krete, re e fuoa. Haele tabeng ea boshome, haho molemo oa letho oo re o fumanang ho Molimo ka ho bo khutlisa. Kaholimo ho tsohle, taba ea pele, haeba boshome ke ba Molimo, ke mesebetsi ofe o ka bang teng o ka lekanang ho e khutlisetsa ho Eena hape?

Ho khutlisa boshome ha se ketso e re pholosang, hantle joaloka ntho tse ntle tseo re bopetsoeng ho li etsa re le Bakreste. “Hobane re mesebetsi oa oona, re bopetsoe ho Jesu Krete mesebetsi e molemo, re tle re itsamaele ho eona” (Baef. 2:10).

Leha ho le joalo, ho khutlisa boshome ho bontša moea o ikokobelitseng, o bonolo kapa o tletseng boikhothomoso, o ichebileng bo oona malebana le seo Molimo A itseng re se etse. Haeba re rata Molimo, re tla mo mamela. Boshome ke boiponahatso ba kantle ba hore re, ruri, re mpa re le liqhoku mona, le hore re kolota Molimo sohle. Joalokaha Sabatha e le khopotso ea beke le beke ea hore Molimo ke Molopolli le 'Mopi, ho khutlisa boshome ho ka etsa mesebetsi o tsoanang: Ho re hopotsa hore ha re ba rona, le hore maphelo a rona le pholoso ke mpho tse tsoang ho Molimo. Ka baka lena, re ka lemoha 'nete ena e be re phela bophelo ba tumelo, re ananela hore ho khutlisa boshome ke ho bontša tumelo eo.

Luka 21:1–4 e reng ho rona ka ho phela bophelo ba tumelo?

Ho Ithuta Haholoanyane:

Ho bonolo haholo ho lebala hore ho hema ho hong le ho hong, ho otlala ha pelo, motsotso o mong le o mong oa ho phela ha rona o tsoa ho Morena fela. Ho Liketso 17 Paulosi o buoa le ba ba Athene ka Molimo oa 'nete, eo eseng Mohlōli fela, ("Molimo O entseng lefatše le tsohle tse ho lona" [Liketso 17:24]) empa hape Mophelisi ("Hobane ke ka Eena re utloang, re sisinyehang; re leng teng" [Liketso 17:28,]). Ba-Athene ba ne ba sa tsebe ka Molimo oa 'nete. Re le Bakreste, temoho ena e tlameha ho ba khubu ea kamoo re phelang kateng. Molimo O na le tse ngata tseo A li batlang ho rona, ka hona, re lokela ho phela ho latela libello tseo: "Ho joalo ka libello tsa Molimo ho rona. O behile matlotlo a Hae matsohong a batho, empa O hloka hore karolo ea leshome e behelloe ka thoko bakeng sa mosebetsi oa Hae. O hloka hore karolo ena e bokelletsoe mokotleng oa Hae. E lokela ho isoa ho Eena e le ea Hae; e ea halalela 'me e tlameha ho sebelisoa bakeng sa sepheo se halalelang, ho thusa ba hasang molaetsa oa pholoho likhutlong tsohle tsa lefatše. O beheletse karolo ena kathoko, ele hore matlotlo a lule a khaphatsehela ka tlung ea Hae ea polokelo le hore leseli la 'nete le chabisetsoe ba haufi le ba hole. Ka ho mamela tlhoko ena ka botšepahi, re ananela hore tsohle ke tsa Molimo."—Ellen G. White, *Testimonies for the Church*, vol. 6, leq. 386.

Lipotso Tsa Ho Qoqoa:

1. "Nako e feta kapele ho ea bosafeleng. Ha re se keng ra hanela Molimo seo eleng sa Hae. Ha re se keng ra mo hanela ka seo, leha se keke sa fanoa ntle le mesebetsi, se keke sa hanoa ntle le tšenyeho. O kopa pelo eohle; mo fe eona; ke ea Hae. Ka tloleho le ka topollo. U kopa bohlae ba hau; mo fe bona; ke ba hae. U kopa chelete ea hau; mo fe eona; ke ea Hae."—Ellen G. White, *The Acts of the Apostles*, leq. 566. Ellen G. White o bolelang ha' re, "ha re se keng ra hanela Molimo ka seo eleng sa Hae . . . le ha sekeke sa fanoa ntle le mesebetsi, se ke se haneloe ntle le tšenyeho"? Re itšoara poho kang ha re sa khutlise boshome?
2. Tsepamisa maikutlo haholo tabeng ea ha litho tsohle tsa kereke li iketsetsa borata ka boshome; ke hore, ba fana ka bona hohle moo ba bonang ho hlokeha, ho e na le "tlung ea polokelo." Ke hobaneng ha see e le qeto e fosahetseng? Ho ka etsahalang ka kereke ea rona? Ke hobaneng ha liketso tse joalo li ka thusa ho re roba likoto?
3. Ho Luka 21, Jesu o thoholetsa mohlolohali ka ho fana ka chelete ea hae tempeleng a se na taba le bobolu boo A neng A tseba bo etsoa moo. See se lokela ho reng ho ba utloang ba hloka ho khelosa boshome ba bona hobane ba e-na le khoao malebana le kamoo boshome ba bona bo sebelisoang kateng?